

05/02/2007



巍山彝族回族自治县地方志办公室 编

康熙蒙化府志

巍山县旧志丛书 (清) 蒋旭 纂



ISBN 7-80525-416-8



9 787805 254166 >

ISBN 7-80525-416-8
K·112 定价: 18.00元

05/02/2007

蒙山縣志

東照蒙山縣志

主編 謝永明

編纂 李松茂

校對 孫其明

點校 謝永明

審校 謝永明

蒙山縣志

蒙山縣志回潮自前是版式志代公室

蒙山縣志出版

目 录

出版前言	马建军 (1)
《蒙化府志序》	王继文 (1)
《蒙化府志序》	石文晟 (2)
《蒙化府志序》	刘 樵 (4)
《蒙化府志序》	李兴祖 (5)
《蒙化府志序》	蒋 旭 (6)
《蒙化府志序》	夏廷燮 (8)
宪 行	(9)
修志姓氏	(13)
凡 例	(15)

蒙化府志卷之一

地理志	(21)
沿革 蒙氏始末附	(21)
疆域	(35)
形势	(36)
山川	(36)
古迹	(40)
邱墓	(42)
胜景	(43)
物产	(44)
风俗	(47)

05/02/2007

蒙化府志卷之二

建设志	(49)
城池 市肆附	(51)
衙署 公馆 仓库 狱附	(51)
学校 各宫 书院 社学 义田附	(52)
学田	(54)
坛庙	(59)
邮铺	(70)
沟洫	(81)
桥梁 养济 漏泽附	(81)
寺观	(82)
	(84)

蒙化府志卷之三

赋役志	(87)
田赋 屯附	(87)
户口 屯附	(99)
课程	(101)

蒙化府志卷之四

秩官志	(103)
官制	(103)
文职	(104)
武职	(110)
名宦	(110)
土司	(114)

蒙化府志卷之五

人物志	(116)
进士	(116)
举人	(117)
武举	(121)
贡生	(122)
监生	(132)
廕封	(133)
乡贤	(133)
忠烈 节烈附	(137)
孝义	(141)
文行	(142)
隐逸	(146)
流寓	(149)
仙释	(150)

蒙化府志卷之六

艺文志	(152)
文	(152)
敕	(152)
记	(154)
序	(180)
碑	(191)
牒	(198)
书	(199)
铭	(201)
墓表	(202)
论	(205)

05/02/2007

传	(207)
赞	(211)
颂	(211)
说	(212)
考	(214)
引	(216)
跋	(217)
言	(217)
规	(218)
问	(219)
约	(220)
赋	(222)
诗	(228)
古体	(228)
五言古	(228)
七言古	(230)
五言律	(236)
七言律	(242)
五言绝句	(264)
七言绝句	(265)
六言绝句	(277)
词 中、长调	(278)
中调	(278)
长调	(279)
编后记	陈永俊 (281)

出版前言

马建军

中华民族素有编史修志的光荣传统。巍山，是南诏发祥地，历史悠久，在清代曾以尚文敦礼、人才荟萃被封为文献名邦之一，与大理、剑川、建水齐名，现为全国历史文化名城。明清以来，巍山历代重视修志，编史修志颇为盛行。清代至民国，巍山先后进行过8次修志，但由于历史的原因，现仅存康熙《蒙化府志》、乾隆《续修蒙化直隶厅志》、宣统《蒙化乡土志》、清末明初的《蒙化志稿》和民国12年的《蒙化地志（资料）》共五部地方志，计100多万字。这些旧志，是我县不可多得的文献资料，亦是我国历史文化遗产的一个重要组成部分。

整理编印旧地方志是“四化”建设的需要，它对弘扬民族文化、促进社会主义物质文明和社会主义精神文明有着十分重要的意义。1984年3月，中国地方志指导小组在天津召开全国旧志整理工作会议，会议指出：“我国旧方志是一个巨大的宝库，保存了不少关于各地的经济建设和文化建设的宝贵资料。建国后，我国的科研工作者、史志工作者，对于旧方志文献的整理曾付出过辛勤的劳动，一些专家、学者曾利用旧方志资料，在科学研究上作出了有益的贡献。特别是近几年，许多地方在编纂新方志的实践中，及时提供旧方志中的历史资料为实现服务，发挥了很好的作用。这些都充分说明了旧方志整理工作，不仅可以摸清地情，为加快社会主义国民经济建设服务，为思想文化建设服务，而且可以为编纂新方志创造良好条件。”按照上述精神，在县委和县人民政府的领导下，县地方志办

05/02/2007

鉴的基础上,将对县内现存的旧志分期分批进行整理点校,作分册出版,这诚然是一件好事。

整理出版旧志是一项严肃而又十分艰巨的工作,编辑人员要努力学习马列主义、毛泽东思想和邓小平同志建设有中国特色社会主义理论,坚持以历史唯物主义的观点批判地加以继承,做到“取其精华、去其糟粕”、“去粗取精、去伪存真”,使古籍整理为提供县情和资政发挥极其重要的作用。

这次整理出版的《康熙蒙化府志》是继《蒙化志稿》后编印的第二部旧地方志书,它的整理出版得到了省州地方志办公室的帮助指导,同时也得到了县内爱好史志的离、退休老同志的关心支持。值此之际,我代表中共巍山县委和巍山县人民政府向关心和支持《康熙蒙化府志》整理出版工作的各级领导、有关人士以及编辑人员致以诚挚的谢意!

1998年8月

蒙化府志序

康熙辛未,滇省通志告成,进呈御览。

凡蒙之山川土田人民风俗之概,亦既摭略纪之矣;若其缺者补之,简者增之,益以古今事,而闻其所未闻,则又非郡志不能详也。按蒙自奴逻僭据以来,虎视一方,并吞五诏,终唐一世,莫可谁何。迨宋复为段氏所据,蚕食诸蛮,骄悍难制,此来艺祖当日所以画玉斧而外之也。元虽置州改路,而华靖靡常。虽编户设流,而制度未备。由是观之,蒙自唐宋以迄元明,求其流风善政,厚泽深仁,可以登简书而耀史册者,盖寥寥也。明嘉靖间,别驾赵维垣创有蒙志,历今百有余年,兵燹频仍,篇章散佚。而博闻淹雅之士,又未易数数觐,采风者能无文献无征之慨乎。戊寅之秋,闾庵蒋君刺是邦,慨然任其事,捐俸延儒,设馆编辑,大纲既举,细目复张。前此草昧未开,如唐虞以前,无书可读。今则灿然明备,山则增秀,水则增媚,星野灾祥,甲兵田赋,贞臣节妇,名宦隐逸者流,以迄物产土风,雕题椎髻之可愕可异者,无不分类而纪,循序而列,蒙之真面目一旦自蒋君而开,是蒙之幸也。然而有不徒为蒙幸者,日星河岳,天地之所以贞久也;德业事功,圣贤之所以贞久也。吾儒读书数十年,得骧首皇路而出身加人,凡有裨于民生国计者,无非分内之事,殚虑竭思,以与斯世相周旋,其积既厚,其流自光。留声名于青史,与天地圣贤同其贞久。俾学士大夫啧啧称人杰,读其书以想见其为人,则今日所以志蒙者,即为将来志蒋君张本。蒙之幸而又不徒为蒙之幸者,是余之愿也夫。

康熙三十七年岁次戊寅秋九月朔旦

总督云南贵州等处地方军务、兼理粮饷兵部右侍郎、兼都察院右副都御史加五级广宁王继文序

100212012007

蒙化府志序

夫省郡州县之有志也，上分星野，下列山川；封建之由来，守成之沿革；四时之寒燠稍异，四民之服习不同；别五谷之宜，任五土之贡。其仕宦节孝硕士名人，以及声歌文艺并逮于鸟兽草木之繁，罔不备载，岂侈谭琐悉以炫烂乎耳目之视听哉！盖列为图说，统为次序，而班班可考者，使披览之余，凡形势、凡俗、耕凿、税粮，无不洞然于胸，而了然于目也。至官斯土者，从而留心寄囑，得以复其贞淳，矫其疲敝，渐摩以礼义，陶泳以读书，举凡抚字催科，皆得因乎人地而善其化理也。我国家定鼎以来，特抡史馆校修一统志，详核进呈，盖欲周知九州之作贡，四海之从风，省会繁简，地方边腹，文武之驻辖，中外之舆情，用以握元调化，而万方得其生育教养也。省郡州县之志，同其意焉。志之所关，岂不重且巨哉！然或迂儒腐见，俗吏浅窥，散漫因循，视为故事，几不知志之为何如；志之所关，更为何如也。实愧官方，有惭职守，所谓殚心乃事者何耶？余自扶兹滇省，察吏安民之后，即饬谕两迤备送志书，乃蒙化郡志则阙焉而未睹也。适蒙郡蒋守因公晋谒，余谓之曰：志之所关重且巨，蒙郡独无志乎，何迟迟而未进耶？蒋守拱立而对曰：阳瓜郡志，久未修辑，而纂修于明季者，又向经兵燹，籍无成帙，版皆焚烬，予小子来守是邦，深为浩叹，不敢以舛陋而谢不敏。已广资博采，考古详今，虽有涂笺，未能脱稿，故迟迟而未之进也。余喜而戒之曰毋急遽，毋草率，当核实纪信，综正裁伪，观之者奉为信史，庶不愧二千石之循良也。蒋守曰：唯唯。兹戊寅秋仲，束帙邮呈，并请弁序，及声明缮写刊刻梨板购纸之需，悉捐已俸，不扰匠民。余鉴阅之下，见其蒐罗淹博，综核精详，使后来看稔知形势之险阻，风俗之从违，耕凿胼胝之不同，税量增减之更定，于以治理斯民，而遂生适性也无难矣。其志之告成而有关于蒙民

者，不亦重且巨哉！至通才伟识，集虑考征，固非迂儒俗吏之可同语；而自爱爱人，恐以蒙志有妨蒙民，则又二千石之循良而无愧者也。遂乐然而为之序。

康熙三十七年岁次戊寅秋九月朔旦

巡抚云南兼建昌毕节等处地方赞理军务、兼督川贵兵饷、
察院右副都御史加六级长白石文晟序

05/02/2007

蒙化府志序

蒙化，滇之岩疆也。在昔南诏僭窃，细奴割据，汉晋唐宋之间，向背不常。皆由声教未通，文献无征，人无所观感，而俗不长厚故也。自有元有明，设官分职，体国经野，渐次有方。迨至我朝定鼎，车书一统，教化覃敷，人文振兴，风俗丕变。易曰：天地感而万物化生，圣人感人心而天下和平，岂虚语哉！志乘一书，凡郡之宦绩、乡评、忠孝义节，以及政事之沿革，风俗之美恶，无不悉载。官斯土者，藉以救敝补偏，吐刚茹柔，为致治清浊之源。郡人士赖以感发志意，考见得失，为因时乾惕之鉴，其有关于世道人心也匪浅鲜矣。阳瓜旧志，向经兵燹残缺，前郡守散漫因循，久未修辑，今侯蒋君首重德教，孜孜以增修为己任。乃博采旧闻，勤咨故老，准之通志，参以心裁，举凡缮写、刊刻、梨板、楮墨之费，皆捐已俸，不扰匠民。书成而问序于余，余受而读之。书凡六卷：曰地理，曰建设，曰赋役，曰秩官，曰人物，曰艺文。总为六纲，而诸目附之。考古证今，阐幽发隐，其所表见皆不虚。斯志也。上以佑圣天子大一统之全书，下以补通志之所未备，俾蒙之人士知所观感而相尚以仁，相化以义，将见聿登上理，而与中州媲美无难也。因喜而为之序。

康熙三十七年九月朔日

云南等处承宣布政使、司布政使禹都刘榘序

蒙化府志序

按蒙为古九隆裔地，自张乐进求逊位，细奴逻筑蒙舍城之，四传至皮罗阁，并五诏，乃徙太和，与唐代相终始，由宋元，杨段各相雄长，明兴，始合全滇而郡县之，改蒙化路为蒙化，设流官同知掌印。本朝定鼎，两平逆乱，由是荒服遐陬，咸知教化。蒙虽僻郡，风气亦騷騷日上矣。矧我皇上德威远布，文教覃敷，诏省郡各献志书，纂成一统志，昭示来兹，煌煌乎大无外之模，真亘古以来未有也。然则以天下视滇，以滇视蒙，不过南服一隅，何志之有。惟是全滇故实，肇自南诏，蒙志无传，亦全滇之缺典。且夫志者，志其实也。郡有志，犹国有史，挂漏繁芜，均贻讥于大雅。滇国蒋君，具良史才，来守阳瓜。惜旧志残缺，慨然以志蒙为己任。政事之暇，手自操管，事必核实，旨不求华，参订旧闻，是者主之，非者奴之。为纲凡六：曰地理，曰建设，曰赋役，曰秩官，曰人物，曰艺文。纬以四十有二目，审择精严，举一郡之山川形胜，户口贤才，无不罗诸指掌，间露己意，悉地方之利病，足以昭劝戒，示后人。至天文地舆，惟绘二图赅之，列诸篇首，不事穿凿，不近剿袭，详简适宜，可与信史相埒，捐俸刻成。制府王大司马巡抚石大中丞，名为序冠其简端，此书可不朽矣。蒋君复请序于余，乃作而言曰：天之有诤信，地之有翕辟，各以其时行耳。蒙处西陲之南，自古雄长一方，实为全滇启宇之道。今日渐摩圣化，天运地灵，于斯为盛。时至而百志成，志之所由昉也，岂以其为僻郡也而忽诸。余分藩西迤，蒙在隶辖中，既嘉是志能与时偕行，且愿列郡典故未备者，继起而修明之，以共襄盛治，是即此志为嚆矢也可。

康熙三十七年岁次戊寅嘉平月吉

云南分守永昌道布政使参政加六级银城李兴祖题于洱署澄观堂

蒙化府志序

窃闻从政之道，务权其大者远者而亟为图，则治化可不劳而进臻于美备。盖纲既举而目自张，不惟当世蒙其休，既奕祀亦有所禀式，此振裘挈领之势也。兹权蒙之所宜亟则乘为要焉矣。按，蒙志修自前明世宗朝，别驾赵维垣总其事，郡绅朱光霁协其成。虽亦胪纲列目，纪载二百余年之实，然烦简失宜，体裁未备，又距今年逾百稔，其间政治之得失，世运之污隆，人才之消长，风俗之正变，不知凡几，迄无有嗣而述之者。考古之士，恒抱文献无征之慨。况我国家重新区夏，再造南滇，其峻德丰功，良法美意，足以焜耀古今，炳麟史册者，皆应扬扈休嘉，昭示来许。今犹未寿诸志，非所以赞皇猷，襄圣化，示劝惩，垂法守也。且蒙，自奴逻窃据，遂以狼噬五诏，蚕食百蛮，其地似非小弱可易视者。诚修其封疆，实足为滇西锁钥，顾可翫置而不一详其颠末乎。盖筹维斯会正绝续之交，匪亟事纂修，将前无所承，后罔所继，关系不诚重大也哉！旭甲戌岁奉命来守是邦，惴惴以不克胜任为惧，期得乎大且远者，殚厥心志而见诸躬行，以上不负所知，下不负所学。受事来见地则瘠而民则贫也；生未遂而性未复也；野有哀鸿夜烦警柝也。因亟索郡志，欲洞使悉其土物、人情士习、民风之详，而从事于因革损益，使治臻熙皞，化洽休和焉。乃晦蚀于蠹鱼者半，毁灭于兵燹者半，残缺失序者不可卒读，得谓非有土之责与？因以纂修之任自矢。用是访求稗史，咨询耆儒。究考遗闻，参稽舆论。不陋舛鄙，而编次成帙，分为六则：一曰地理，举山川、疆域、形胜，物产咸于是乎附；一曰建设，凡城郭、学校、廨署，沟洫总于是乎收；一曰赋役，尽户口、粮税、课程、经费，悉于是乎载；一曰秩官，则文职武弁、名宦、师儒、亦于是乎详；若夫忠孝节烈乡贤选举，则以人物统之；文章翰藻，辞赋诗歌，则以文艺赅之。鉅细靡遗，纲目并

举，凡大而示劝惩，远而垂法守者，似觉了然可示诸掌矣。稿凡数易，而始敢呈于各宪，胥印曰可，故捐资付诸剞劂。然则斯举也，其有裨于蒙者，固不敢自谓为大且远，或于从政之道，庶几为无负也夫！

康熙三十七年岁次戊寅秋九月谷旦

蒙化府掌印同知譙国蒋旭序

05/02/2007

蒙化府志序

夫郡之有志，犹国之有史，所以备掌故，而上之太史也。蒙志自明嘉靖赵公维垣草创于前，康熙三十七年蒋公旭考订于后，乾隆五十五年刘公垵又续修之。迄今将百年矣，兵燹频仍，板皆焚烬，籍少成帙，余于丙子春来守是邦以郡志所关甚巨，即拟咨询简篇，依旧翻刻，用广其传。旋以顺宁不靖，政务殷繁，未遑谋及。然每于采风问俗之余，未尝不为之慷慨太息也。数载以来，心焉如疚，幸近年办理善后，百废俱兴，爰与贡士赵钟琛，贡生范照，增生李恩覃诸绅措资开雕，并捐俸助之，不扰匠民，阅五月而书成。诸绅问叙于余，余曰：蒙之山川土田，士习民风，蒋、刘诸公叙之详矣，余复何言。虽然，亦窃欲有言也。夫事有绝而必续，理无微而不显，蒙值兵火之余，忠孝节义，轶事遗文，以及营制之改移，秩官之新增，风俗之丕变，不难旁搜博采，继起修明，尤冀诸绅踵而述之，勿妨待而推让，勿草率以相将，庶几文献足征，损益可考，是则余所厚望也夫。

光绪七年秋九月

知蒙化直隶厅事黔南夏廷燮序

宪行

蒙化府为纂修府志，有光大典，伏乞赐文转达上宪，以昭永久事。康熙三十七年七月十四日，据本府儒学教授朱袞训呈前事，内开：本年七月十二日，据本郡乡绅衿耆刘纳等呈称“窃惟国史郡志，并称綦重，不特考古证今，诚正人心励风俗之要务也”。蒙化虽遐陋小郡，年来宪大宗师深仁厚泽，熙皋林总渐埒邻邦。徒以郡志，自故明嘉靖年间修后，至今百有余年，籍荡于兵，版毁于火，前编残后事未传，均无稽考。历任本府师宗屡经议修，缘艰于搜罗纂述之人，复乏剞劂板纸之费，因循迄至于今。幸际本府公祖蒋宗师莅蒙，初下车时，即慨然引为己任。于是虚衷网罗，广事博采，政暇则引二三耆旧，孳孳讨论，断裁综核，丙夜不休，匠心经画，于兹三载，始获告竣，蒙将成稿，发学传阅，披览之余，不唯泉石烟林，灿然心目；而幽光潜德炳耀古今。往迹既可详参，风世于焉辅治，诚一时之盛事，实千古之传书也。但非得寿梨，未克永垂。而众力绵薄，难议擎举，因前蒙有独任之谕，故敢冒昧陈言，伏乞赐文上述，转请两院司道各宪台大宗师阅夺，赐序付梓，庶大典攸光，鸿功永著，斯文幸甚，地方幸甚等情。公呈到学，据此该卑学等查看得蒙化旧志，残缺已久，其间人事变迁，景物移换，急宜修续，历年虚议因循，至今山川人物湮没不彰。今幸蒙宪台留心文献，加意阐扬，已成全帙矣。因前蒙谕以捐俸力修，此绅衿耆民等有转请上宪赐序付梓之请也。卑学等职忝司铎，愧菲才闇学，无能仰赞一得。窃惟闾郡信史，考订精详，业荷鸿裁，而风化巨典，参伍备悉，必期永久。今既据绅耆刘纳等公呈前来，合就具文申报，请祈转达各宪阅夺，发刻施行等因，申请到府。该职府看得郡乘一书，征古考今，纪实载信，关于国计民生甚重，难容听其缺陷。蒙化旧志，通判赵维垣修于嘉靖初

元，明末沙遣流寇之变，城陷民灾，书籍都为灰烬。且年久失辑，故自隆万迄今，百余载之建设、因革、名贤、懿行无从追考，维风持俗之谓何，固守土者之责也。职府承乏来滇，初履蒙境，郡绅耆旧急以续辑为言，自顾阉劣，且一行作吏，翰墨废弃，其曷敢承。然而职守所在，又曷敢辞。用是唯唯，不揣芜陋，目较手摊，耳参心证，矩矱悉准乎通志，搜罗广集于群思，三岁经营，一稿粗脱，本谓肤才庸识，自匿篋中，不复贻笑大方。而蒙人士咸谓事颇核实，固请灾梨，补一郡之缺典。且欲污呈各宪明鉴，并求班马椽序，公呈该学，转详前来，事关政教激励，职府难以弃鄙自藏，理合缮录草本一样三部，呈请宪台查核，转请督部，抚都院鸿裁鉴定，发下付刊，并蒙颁序光荣，匪独仙茅点错，金篦剔睛，职府教益丕承萤光附日。而阳瓜弹丸，得成不易之志，宁止百代濡恩，千秋被泽而已哉。至一应缮写、刊刻、梨板、纸张、印刷、装订所需之费，俱照常价发给，丝毫出于职府自捐，并无短少，强压，并科派累民之处，合并声明等因，申详布政使司永昌道在案。八月二十八日随奉本使司批：据本府申详，奉批，据详捐俸纂修郡志，足见留心政教，仰候转详，另示行缴志书存送，奉此先于八月初一奉永昌道批；据本府申详，奉批，该府手纂郡志，捐俸任刻，诚为可嘉，仰候撰序发刊。但查详内称，有草本三部，今止呈一部，并仰补送，以便转请督抚两院鉴定缴。奉此，续于本年九月二十日奉云南等处承宣布政使司，为纂修府志等事，康熙三十七年八月二十七日奉总督云贵部院加五级王批据本司呈详前事，蒙化府申详纂修府志缘由到司。据此，该本司查看得府志一书，藉以绍往开来，考古证今，凡山川、人物、书籍、钱粮、名贤、节烈等项，莫不班班备载，苟任其湮没，则其间之因革损益，后人莫知其所由来，事迹无从追考，人心无由激励，风俗纯疵，无以维持。兹据蒙化府自捐纂修成部，申详转请鉴定发刊，并吁颁序前来，足见该府留心

政教，相应详请，伏候宪台鉴夺批示发司以便转发刊制，另报备案查考，并严飭该府实力捐修，毋得藉派累民可也。等因，奉批。已据永昌道详批，候核夺撰序另发矣。此缴。志书并发司批。本年八月二十六日先奉巡抚云南都察院加六级石批：据详批，详同前事，奉批仰候核发照刊呈报，仍候督部院批示缴。又于九月初五日奉抚都院宪票，内开，康熙三十七年八月二十四日，据该司详据蒙化府申详，府志捐纂成部，详请鉴定发刊，并呈颂序，伏候鉴夺，发司转发刊制缘由到本院，据此，除详批外，随将报到草志逐一覆核明确，内有舛错添删之处，俱经粘签，所有草志并序，合行发刊。为此票仰该司官吏照票事理，即将发去草志，责令经承查明粘签，再加斟酌，并序转发该府刊刷，呈报毋违！计发草志四本，志序一折。奉此，除详报本司府志一部存查外，所有详奉督宪发司志书一部，暨抚宪核发粘签志书一部，志序一折，并本司志序一折。合并发刊，为此牌仰该府官吏照牌事理。即将发来奉发志书查明粘签再加斟酌，并序一并缮写，精工刊刷，装订一样三部，同原志序并报本司，以凭转呈查考，毋得违错！计发志书二部，计八本，志序二折，仍缴等因：奉此。又于本年九月二十六日奉云南分守永昌道布政使司参政加六级李为纂修府志等事，康熙三十七年九月十三日奉总督云贵部院加五级王宪票，案照本年八月二十一日，据该道呈详前事，内开：据蒙化府呈详志缘由到道，据此，合就转呈伏候宪台核阅，其中倘有可增可减，应行删补者，仰赐笔削更正，评绎撰序，发还该府，磨刊成帙，庶千载仰不易之风，一郡沾涵濡之泽。等因，呈详到本部院，据此，随详批，郡志关系綦重，该府手辑捐刊深可嘉尚，仰候阅核撰序，另行檄发，仍候抚都院批示缴除批行外，所有序文合行撰发。为此，票仰该道官吏照票事理，即将发下蒙化府郡志序文一道，转发该府缮写刊刷，另报毋违。计发序文一道，等因，奉此，拟合转发。为此，牌仰该府官

05/02/2007 10:20:50

吏照牌事理。即将发来郡志序文一道，缮写刊刷，呈报本道阅核，以凭转呈，毋得草率。计发序文一道。等因：遵奉在案。

修志姓氏

总 裁

总督云南贵州等处地方军务兼理粮饷兵部右侍郎兼都察院右

副都御史加五级 王继文

巡抚云南兼建昌毕节等处地方赞理军务兼督川贵兵饷都察院

右副都御史加六级 石文晟

提 调

云南等处承宣布政使司布政使 刘樑

云南等处提刑按察使司按察使 崔俊

分守永昌道布政使司参政加六级 李兴祖

督理云南通省民屯粮储兼管水利道按察使司副使加八级 卢

腾龙

提督云南通省学政按察使司佥事 赵之随

纂 修

蒙化府掌印同知 蒋旭

协 修

吏部候选州同 陈金珏

吏部候选训导 张锦蕴

校 订

蒙化府儒学教授 朱袞

蒙化府儒学训导 李昭

原任湖广岳州府巴陵县知县 马参

鹤庆府儒学教授 熊兆镒

大理府赵州儒学学正 李北有

大理府浪穹县儒学教谕 张端亮

吏部候选知县 刘訥

05/02/2007

原任广东雷州协都司金书 徐飞

采 访

曲靖府陆凉州儒学学正 董引养

曲靖府罗平州儒学学正 杨于鼎

顺宁府儒学训导 孙缙

澄江府儒学训导 徐颺

吏部候选教谕 陈嗣茂

吏部候选训导 周鼎乾

蒙化府监生 梁朝柄

督 刊

蒙化府漾备巡检司巡检 薛玺

缮 录

蒙化府儒学生员 饶士弘

蒙化府儒学生员 王国信

蒙化府儒学生员 徐致大

蒙化府儒学生员 饶士哲

凡 例 (十五则)

一、以九州分星野，南北河为两界定，自僧一行操管窥天，久为识者所讥，况蒙之附滇尤为黍粟乎。其天文廛度，照通志近剿袭，强傅会则涉臆见。又蒙化輿图一幅可尽，故仅各绘一于首，不复入志，既无挂漏，亦免累篇，此善待小郡法也。

一、通志及大理志幅员辽阔，事迹繁多，故皆分门列志。阳弹丸，曷可效顰，滋篇章小大不敌之诮。兹内地理、建设、役秩官、人物、艺文六纲为经，附以沿革、城池各目为纬，庶若列眉，便于观览。

一、志称外史，虽乏班马才，当存董狐笔，褒讥一字，便足千秋。苟徇私情，都成秽史。岂唯齿冷远近，而砥砭与和壁同珍，足灰向往之心，非持风维世之道也。兹编名宦、乡贤，已经崇祀，旧志采入者方敢登载。其遗而未旌未采者，宦则已具题名不复列赘。贤者列于文行，盖文虽小道，行可包广圣贤，详其人其迹于册，以俟后论，庶窃麟经笔削之旨。

一、土司本自蒙产，虚爵羁縻，原无治民责任，故宪纲次于流官，凡以尊国体，卫民生，诚綦重也。旧以土司列于流官前，且有阑入官师者，纪纲倒置，莫此为甚。今遵照志改正，非臆见也。

一、流览前纪，土司中颇不乏英贤，倘概弃不录，又无以风厉其后。第既为蒙产，列于蒙之文行中，以备将来采入乡贤，谁曰非宜。

一、节烈钟天地正气，何代蔑有，惜世远言湮无从追考。即明崇正间蒙郡闺阁遘沙酋变逆，骂贼不屈者众多。因出于仓猝，今皆失传，遂使幽贞弗显，异节终沉，不知凡几。兹惟采确在人口者登之，宁传信，毋传疑，斯亦阙文意耳。

一、合滇黔二省之赋，不及三吴一中县，其为硗瘠不毛可

知。矧蒙又若滇之贅疣，童山荒服。赋且如斯，何有物产。旧志所谓班竹脆蛇，果何在耶？而游棍每以五金矿厂为言，近余屡陈其弊，蒙各宪洞鉴俞允，檄行严禁，蒙民自此庶有瘳乎。至布帛菽粟，所在皆有，今姑存其名，以宝日用之物。

一、二氏固为吾儒所吐弃，氏苟有一二戒律精严，道术微妙者，不妨仍存，但须实有其人，方可置喙。旧志因细奴逻巍麓事阑入老子，甚无谓也。若而然则榆志应及大士，楚志当列吕仙矣，今删之。

一、蒙诏事迹，虽多在榆，而实始于蒙，故另附始末于沿革后。至艺文凡有关涉于蒙诏者，间亦采入，非窃邻光资谈柄者比也。

一、蒙地弹丸，何有封建，虽唐有蒙诏锡号，然亦羁縻，若今日土职而已。旧志侈列，芟之。

一、祠祀载在国典，自应详备。旧志滥及蒙舍各僭庙，殊为淫黷，并删弗入。

一、旧志纪杂异，如蒙山老爨不死，并方技缩银绝粒诸事，语既不经，事非常见，今概删以重志典。

一、补偏救敝，守土厥职应为，兹值圣明化理，各宪拯痼瘵，故余凡为地方利益请者，皆朝报夕可，不啻奔驹转环。编中有一二不嫌自述者，一以扬各宪明德，一以兴继起精神，窃恐惭类辽东白豕耳。

一、蒙化旧志，自嘉靖间通判赵维垣延郡人朱光霁纂辑，事颇核而体未备，迄今百余载，书籍兵毁，事实鲜传，癸亥修通志，分行郡县，其时主者仓猝撮略脱稿，竟亦无存，去今又十六年，所故余忘其固陋，辄于公余询古证今，渍墨污翰。会敝年家陈子修氏（金珏）淹留荒署，熟悉全滇故实，郡明经张允怀氏（锦蕴）学优识卓，共襄厥编，其间损益润色，二君之力为多。然故老凋残，文献缺略，虽极遐搜恣订，亦必存信阙疑，挂一漏

万之讥，知所不免。

一、修志类有供给廩饩笔墨之需，剖劖梨板刷印纸张之费，缘无项经营，每成道旁筑舍。余甲戌岁奉简书，乙亥入境，以此自任，延今三载余，凡网罗计绎，寸管手自操握，自省供给矣。至刊刷赏费，独捐薄俸任之，既无委卸，事反易成。或有以谗人而代滇费为辞者，余应之曰：蒙守刻蒙志，分固然

1002/20/50
05/02/2007

井缩步天歌

井星凡八河中阑。一星名钺井边安，天罇三星井上列，罇上诸侯五个全，侯陀河西积水位。下南河，上积薪。钺下水府有四星，水位四点与四渎，东西排序分八箇，军市围团共十三。中围箇野鸡精，孙子丈人市下列，各立两星从东说。阙邱两星近河中，邱下狼，光蒙茸。左畔九箇变弧弓，一矢横射顽狼胸。有箇老人南极中，春秋出入寿无穷。

井宿八。南北河，为两戒，属星十七。雨水昏中，秋分旦中。


鬼宿步天歌

鬼宿四，属星六。春分昏中，秋分旦中。

鬼宿四星形似柜，内藏一点积尸气，燿星四小鬼上坐。天狗七乌鬼下附，外厨鬼左亦六间，天社六龙弧东倚。社东一乌名天记。

滇为益州郡，属井鬼分野，在梁雍之域，井八星三十度，鬼四星五度，俱属鹑首之次，皆在未宫。而星家或谓滇属北斗第二璇星，或谓属西垣第四巴星，或谓入星七度，或谓入觜三度。众喙争鸣，无庸深究。今按崇正三年，荧惑入井鬼，土酋普名声反。康熙十七年荧惑守鬼，薄积尸气，吴逆叛亡。则滇分在鬼居多，蒙滇西属郡也。于星野宜专属鬼，据已然之迹，而敬求之。则奉若天道，以占验灾祥，固可仰观而得也。

天文图





05/02/2007
蒙化府志卷之一

院司各台 鉴定

譙郡蒋 旭阁庵 纂辑

吴门陈金珏子修阁庵 校订

阳瓜张锦蕴允怀

地理志

滇为西南奥区，山川胜概，颇埒巴蜀。徒以去神京远，故纪戎寂寥。秦汉而下，象昆明、求金碧数事，外无闻焉。矧蒙又居真之极西，蛮荒僻服。顾可以车书疆域，惭面侈谭乎！虽然，王化与天地相终始，天地覆载罔弗函也。蒙诏既传在人口，则唐宋沦没，元明经理，其间沿革形胜、风俗灾祥，自班班可考。今圣明声教沐浴，仁义渐摩，习尚丕变，山水改观。是志蒙适遭贞元之会，在所宜急。尚何以荒远为辞。爰志地理。

沿革 (蒙氏始末附)

唐虞 肇十有二州，蒙属梁州。

夏禹 奠山川，华阳黑水惟梁州。黑水历蒙南入海。

商 车里入贡于汤。蒙犹内地。

周 濮人会武王于孟津〔按：孟津（古黄河津渡名，在今河南孟津县东北、孟县西南。周武王伐纣，在此会盟诸侯，故名盟津，后派为孟津）〕。濮即蒲蛮也，今蒙境尚有遗种。

春秋战国 楚顷襄王使庄跻略巴蜀以西地，遂王于滇。蒙属

楚。

汉

武帝 元光五年，遣司马相如持节谕西南夷，叶榆诸君长请为内臣。蒙属汉。

元封二年，武帝恶滇王尝羌言不逊，时，白饭王之裔仁果据蒙为众所服，帝因册为滇王，居白崖，骄世乃绝。

明帝 永平十二年，置永昌郡。蒙隶于永昌。

后主 建兴元年，益州帅雍闿反。复使孟获诱煽诸彝，皆叛。获蒙巍山人。

建兴二年，诸葛亮平南中。军次白崖，建铁柱纪功。封仁果十五代孙龙右那为建宁国王，赐姓张氏。

晋

武帝 泰始七年，分益州置宁州。蒙隶宁州。

隋

高帝 开皇十七年，遣太平公史万岁自蜻蛉川度西洱河，平西南彝。蒙属隋。

唐

太宗 贞观二十三年，册建宁国王张氏进求为首领大将军，进求逊位于蒙氏细奴逻。奴逻遂称奇王，号蒙舍诏。其地在南，又称南诏，寻筑蒙舍城居之。

高宗 永徽四年，奴逻遗子罗盛入朝，授巍州刺史。麟德元年置姚州都督府。蒙隶姚州。

中宗 景龙元年，姚州蛮及吐蕃入寇。以铁铉梁漾、濞二水通西洱，讨击使唐九征平之。蒙奉唐正朔。

四年，姚州蛮反。杀御史李知古。蒙独奉唐正朔。

元宗 开元元年，授盛罗皮特进封台登郡王。奴逻之孙。

十六年，盛罗皮死，子皮罗阁嗣。助唐师有功，封永昌都督。遣使人朝，晋封越国公。

二十六年，皮罗阁贿剑南节度使王昱，请合六诏为一。罗阁灭五诏，取太和、大厘，尽有云南地。自蒙舍徙居太和。筑龙首、龙尾二关，改称南诏。遣使人贡，册封罗阁为云南王，赐名归义。

天宝七载，皮罗阁死，子阁罗凤嗣，袭封云南王。诏巍州为阳瓜州，封其子凤伽异为刺史。

十一载，南诏北结吐蕃，吐蕃以为弟。号赞普钟，东帝，国号大蒙。

十三载，剑南节度使留后李宓将兵击南诏，全军败没。阁罗凤蹙唐战亡士卒于龙尾关。遂取嵩州，并降诸国，与中国绝。

德宗 贞元九年，阁罗凤之孙异牟寻上表请从韦皋袭吐蕃。诏韦皋为云南安抚使，封异牟寻为云南王，遣使诣皋献彝中歌。自是蒙化属唐。

宪宗 元和十一年，南诏弄棟节度使王嵯巖弑其主劝龙晟，立其弟劝利晟。是年，南诏寇安南。自此，时附时寇，终唐之世焉。

昭宗 天复二年，南诏清平官郑买嗣弑其主舜化而自立，改国号大长和。杀蒙氏八百余人，蒙氏绝，蒙属郑氏。

朱梁

蒙属郑氏。

后唐

明宗 天成元年，杨干真弑其主郑隆亶，立待中赵善政，改国号大天兴。蒙属赵氏。三年，杨干真废善政而自立，改国号大义宁。蒙属杨氏。

石晋（即后晋）

高祖 天福元年，段思平讨杨干真而自立，国号大理，居羊苴咩城。蒙属段氏。

宋

05/02/2007

太祖 乾德三年，王全斌平蜀。请取滇，上不许，以玉斧画大渡河以外弃之。滇自是与中国绝。段氏据有云南之地，传二十二主，历年三百十五。中更改蒙为开南县，属段氏。

理宗 宝佑元年，元主遣太弟忽必烈克大理，蒙化款附，置蒙舍千户所。

元

世祖 至元四年（或云十一年），改蒙舍千户所为蒙化府。寻升为蒙化路。

二十一年，改蒙化路为州，隶大理路。

英宗 至治元年，授段功袭蒙化州土知州。

明

太祖 洪武十五年，颖川侯傅友德、永昌侯蓝玉、西侯沐英征云南，攻大理平之，擒大理总管段世并其二子苴仁、苴义，蒙化仍为州，隶大理。

十七年，土官左禾款附，授蒙化州土州判。

二十三年，筑蒙化城，设立卫所。

成祖 永乐三年，升左禾为蒙化州土知州。

英宗 正统十年，升蒙化州为府。编户三十五里，以土官左伽知府事，设流官通判。

武宗 正德年间，印归流官通判掌。

神宗 万历年间，改流通判为同知，掌府印。

皇清世祖章皇帝

顺治元年，虽无事纪必揭首者，春秋大一统法也。

十六年，命大将军信郡王铎尼伐云南。蒙化纳款，仍为府。裁去蒙化卫所指挥千百户等官，设蒙化卫守备一员，卫千总一员。

今上

康熙五年 裁蒙化卫千总

六年，圈拨蒙化卫田地给平西亲王吴三桂，裁蒙化卫守备卫经历，并归府。

七年，以蒙化偏僻不必设镇，裁蒙景楚姚镇，改设鹤丽永镇。

二十一年，设楚姚蒙景标镇防蒙千总一员，兵一百。

蒙氏始末附

蒙舍诏古哀牢国人（即今永昌、本名安乐，讹云哀牢）。先有骠直低者，子低牟直，捕鱼于江，溺死。妇沙壶往寻之。坐沉木，感而有孕，生九子。后沉木化为龙，众子惊避，惟季子背龙而坐，就舐其背。彝谓背曰九，谓坐曰隆，故号九隆。长子牟直罗，次牟直兼，三牟直诺，四牟直颂，五牟直笃，六牟直托，七牟直林，八牟直酬，九牟直闪。邻妇有生九女者，九子各娶之，于是族类日繁。各据土地，传世既久，分为六诏。惟五子牟直笃贤而黠，生十三子，五贤七圣，传三十六代。至蒙伽，蒙姓始此。独其妇摩利差，亦因浣絮于龙泉，感而生子，名独罗消，数有祥异。哀牢王疾忌，遣使杀之。其仆波洗杀犬以厌其光，以已子细奴逻授哀牢使者，遂名独罗消为细奴逻，窃负而避难于蒙，及长娶妇曰蒙欽，耕于巍山之麓。其妇往馐，有老人美髯，戴赤莲冠，坐于盘石旁。有二童子，左执镜，右捧仗，侧有青牛白马，向妇索食。妇敬享之，回家再炊而往，老人复索食，又享之，如是者三。奴逻怪其迟，妇告之故。因同往谒拜于盘石下，老人谓曰：尔夫妇何所欲？奴逻叩祈福佑。老人因击其耜十三曰：尔子孙富贵，奕叶相承，其数如此，遂冉冉腾云而上。嗣是树畜繁盛，部落日归，号蒙舍诏。先是九隆劳四族牟直颂，其裔恶杀。不茹荤腥，惟餐白饭，故谓白饭王，传世至仁果，以慈信治国。

汉武帝元狩间，庄蹻之后尝羌为滇王。天子因其言不逊，伐